





資陽郡。

袁天綱舊唐書方技傳天綱益州成都人。工相術。隋大業中爲資官令。按地理志無資官縣。或因大業二年以十使省併天下州縣故也。

唐

唐制武德初有行臺大行臺置總管以統軍。九年六月改總管爲都督。十州一大都督。州分上中下。武德元年改太守曰刺史。加使持節。上元二年諸州別駕以諸王子爲之。景雲二年始參用庶姓。天寶元年又改刺史曰太守。縣令亦分上中下。丞主簿尉同。方隋開皇時戶口滋多。析置州縣。大業中省併之。唐興豪桀據地來歸者爲之割置州縣。故其多數倍於隋。貞觀三年以民少吏多。大加省併。如十道志數。

榮縣志

秩官第十

二 川 811. 817

樊偁文苑英華載蘇頌典制文云黃門大中大夫前守榮州都督借紫金魚袋上柱國樊偁早負文詞累遷省闈頃揚才智受任軍州敏以要功斷而臨事峩眉作鎮。鼈靈開國惟巴蜀之險接西南之夷式遏撫循尤擇時望。端寮副職俾承相委可行益州大都督府司馬。餘如故。仍知蜀州防禦副使。卽馳驛赴任。

韋玠北齊韋粲玄孫榮州刺史。



柳奭字子燕高宗朝王皇后之舅也永徽中后寵衰由同中書門下三品罷爲吏部尚書六年六月武昭儀誣后厭勝奭遂貶遂州旋貶榮州刺史顯慶二年八月許敬宗希武后旨誣奏由榮州貶象州在榮經兩寒暑新舊三年。

于志寧字仲謐高陵人顯慶四年八月因武后所銜由同中書門下三品出爲榮州刺史。

韋縠長安三年見大周聖德碑。

薛高邱開元二十年有榮德山磨崖碑。

張儉舊志安聚橋卽古靈濟橋唐貞元中張刺史所造

榮縣志 秩官第十

三川川。八。八。

也。

臧公明吳縣趙均字靈均著金石林三原縣臧公墓碑。曾官榮州刺史。

陳雷元和中任。王源茂榮州刺史武后相方慶玄孫。

李弘度甯王玄孫見世系表。段謬穆宗相文昌之

父成式之祖。于盾榮州刺史憲宗相頤之孫。

已上刺史

王如珪舊志京兆人從僖宗入蜀授和義令按王興孫墓志其先長安人唐末有知珪者爲榮州和義令秩滿遂家於榮則如珪或知珪之譌也。



馮昭泰。字遇聖。長樂人。起家左奉裕。累調榮州長史。屬城慢法。按而繩之。入計會府。仇家橫訟。明敕杖其愬者。遷宋州司馬。至睦州刺史。復以羣小譖。貶榮州司馬。砥節荒服。旋除温州長史。俄拜括州刺史。景龍中卒。見張燕公文集。

王璲。榮州都督府倉曹參軍。

已上令佐

高滿政。武德六年六月。封榮國公。

李承突。章懷太子之孫。承寧。卽承突弟。均爲榮王諮議參軍。

榮縣志

秩官第十

四

三三〇八

榮王琬。玄宗第六子也。開元十三年。封榮王。風格秀整。有素望。安祿山反。爲征討元帥。中外倚之。會薨。生男女五十八人。

榮王愼。憲宗二十子。咸通三年封。廣明初拜司空。

已上封階

五代

趙延進。澶州頓邱人。榮州刺史。

王景崇。劉漢時。爲平鎮將。以功領榮州刺史。

賈武庫。廣政中任。見武安公廟碑。

史光廷。眉山人。孟蜀時。試大理評事。知應靈縣。見山谷



史詩老墓志。

仲廷預爲嘉王宗壽師。天寒王府以故火器給學院。廷預以箸畫灰得金火箸二。事遽求見。出金箸裏中。述本末。宗壽曰。吾家失此物十年矣。公不妄取。真古人也。薦授榮州錄事參軍。

榮王宗智前蜀武成三年封。

宋

宋制州分節度防禦團練刺史四等。節度三品州也。防禦團練四品州也。刺史五品州也。開寶中一州止一刺史一司戶。自後有推官有通判。而監庫監酒榷稅算。又

榮縣

志

秩官第十

五

川卷一〇八三

增四員。曹官之外更益司理。而官多矣。

王明字如晦。大名成安人。乾德初詔公卿近臣各舉清白有吏幹者一人。給事中馬士元以明塞詔。蜀平。選知榮州。後官至禮部侍郎。淳化二年卒。按乾德元年初以文臣知州事。傳所謂詔舉吏幹也。三年蜀主孟昶降。傳所謂選知榮州也。代歸。遷右補闕。爲荆湖轉運使。至開寶三年南征。爲隨軍轉運使。通計五年之間。由榮遷轉要職者三。是宋開國第一官榮者明也。

劉蔚。開寶三年以祕書丞知榮州。平陽句延慶昌裔。著錦里耆舊傳。蔚謂其詞蕪穢。請延慶修之。改成都理亂。



記。天成之後，別加編次。起咸通九年，迄乾德四年，百餘年間，蜀事大略具矣。見書錄解題。

劉兼，長安人，得宋刻唐百家詩，有兼集。澠水燕談，太祖曾詔兼等修五代史。又兼有長春節詩，知五代人而入宋者。爲榮州刺史，初至郡界云：嘉陵江畔接榮川，兩岸旌旗下瀨船。郡印已分炎瘴地，朝衣猶惹御鑪煙。蓮塘小飲香隨艇，月榭高吟水壓天。錦字莫嫌歸路遠，華夷一統太平年。按首句誤，登郡樓書事云：偶奉綸書莅旭川。郡樓嘉致盡依然，松欹鳥道雲藏寺，月滿漁舟水浸天。望帝古祠花簇簇，錦城歸路草芊芊。有時倚檻垂雙

榮縣

志

秩官第十

六

XIIOLII

淚。故國風光似眼前，到郡後寄西川從弟舍人右司閤郎中齋殿院云：蜀路新修盡坦平，交親深幸再逢迎。正當返袂思鄉國，卻似歸家見弟兄。霑澤只慙堯綍重，泝流還喜范舟輕。欲將感戀裁書旨，多少魚箋寫得成。郡齋寓興云：依約樊川似旭川，郡齋風物盡蕭然。秋庭碧蘚鋪雲錦，晚閣紅蕖簇水仙。醉筆語狂揮粉壁，歌梁塵亂拂花鈿。清懷放蕩無羈束，地角天涯亦信緣。按以樊川況旭川，所見今西門外垣也。紅蕖句指今佛池。郡樓閒望書懷云：郡城樓閣繞江濱，風物清秋入望頻。銅鼓祭龍雲塞廟，蘆花飄市雪黏人。蓮披淨沼羣香散，鷺點



寒煙玉片新。歸去社陵池館在。且將朝服拂埃塵。按郡樓今西城。古刺史署在此。去年今日云。去年今日到榮州。五騎紅塵入郡樓。貔虎只知迎太守。蠻夷不信是儒流。姦豪已息時。將泰疲瘵全。蘇歲又周。聖主若容辭重祿。便歸烟水狎羣鷗。春游云。搖搖離緒不能持。滿院花開酒熟時。羞聽黃鶯求善友。強隨綠柳展愁眉。隔雲故國山千疊。傍水芳林錦萬枝。聖主未容歸北闕。且將勤儉撫南夷。酬句評事云。閒庭欹枕正悲秋。忽覺新編浣遠愁。才薄只愁安雁戶。注夷人內有雁戶。蓋徙移不定之故也。年高空憶復漁舟。鷺翹皓雪臨汀岸。蓮娟紅香雨郡樓。對景卻慙

榮縣志

秩官第十

七

×川801

無藻思。南金荆玉卒難酬。旭川祁宰思家而卒。因述意呈秦川知己云。歲稔民康絕訟論。政成公暇自由身。朝看五馬閒如社。夜擁雙姬煖似春。家計不憂憑冢子。官資無媿是朝臣。豈同齷齪祁員外。至死悲涼一婦人。西齋云。西齋新竹兩三莖。也有風敲碎玉聲。莫恨移來欄檻遠。譬如元本此閒生。重陽感懷云。重陽不忍上高樓。寒菊年年照暮秋。萬疊故山雲總隔。兩行鄉淚血和流。黃茅莽莽連邊郡。紅葉紛紛落釣舟。歸計未成年漸老。茱萸羞戴雪霜頭。春宴河亭云。柳擺輕絲拂嫩黃。檻前流水滿池塘。一筵金翠臨芳岸。四面煙花出粉牆。舞袖







石緝有武安公廟記。

附李虛已。舊志云。州刺史。按本傳。虛已字公受。五世祖盈。自光州徙閩建安。父寅。任江南李氏。虛已中進士第。歷沈邱縣尉。知城固縣。改大理評事。累遷殿中丞。提舉淮南茶場。召知榮州。未行。改遂州。是虛已未涖任也。

褚德臻。知榮州。咸平五年五月。坐盜取官銀棄市。見真宗本紀。

皇甫名。進士。魯清榮梨山洞門亭子記。稱太守皇甫公。舊志沿作皇甫公。公非名也。

榮

縣

志

秩官第十

九

川810上

附折惟忠。字蓋臣。本傳云。兄惟昌。大中祥符七年卒。惟忠繼之。為六宅使。知府州。兼麟府路都巡檢使。領普州刺史。再遷左藏庫使。真拜嘉州刺史。改資州。進簡州團練使。舊志言官榮。或史佚也。

李暉。字渭卿。自號谷子。成都華陽人。淳化三年壬辰進士。著孔子弟子傳讚六十卷。上之。得知榮州。熙寧中。致仕歸。與門人賓客。作該聞錄十卷。集十卷。嘗力言榮州鹽害。得捐歲額三十萬斤。榮人德之。名所止曰來蘇。初蜀士知向學。不樂仕宦。張詠知益州。察張及李暉。張遠。皆有學行。為鄉里所稱。遂敦勉就舉。三人悉登科。士由



是知勸。見張詠傳。

附陳希亮。字公弼。眉州青神人。天聖八年進士。歷知長沙縣。鄂縣。臨津縣。房州。曹州。廬州。鳳翔。未官榮州。榮鬻鹽凡十八井。歲久澹竭。有司責課如初。民破產籍沒者三百餘家。嘉祐二年。希亮判三司戶部句院。兼開拆司。爲仁宗言之。還民所籍。歲蠲三十餘萬斤。舊志列入職官。蓋以涉榮而誤。

羅拯。字道濟。祥符人。第進士。歷官知榮州。州介兩江閒。每江漲輒犯城郭。拯作東西二隄。除其患。錢公輔爲諫官。嘗論拯短。而公輔姻黨多在拯部內。往往薦進之。時

榮

縣

志

秩官第十

十

四川

論以爲長者。見本傳。

狄詠。字子雅。武襄公青次子。與東坡善。熙寧中。榮州刺史。見續通鑑長編。詠美姿容。哲宗曰。天下謂詠爲人樣子。見墨莊漫錄。

王德基。真定人。四方館使。榮州刺史。曹武穆公之女夫。見臨川集。

王維。射洪人。元豐二年庚申時彥榜進士。榮州刺史。見省志。舊志維作淮。

岑象。字求易。建城人。榮州向爲土城。崇寧中。象始改修石城。於功爲鉅。著有二異記。熙寧中有岑象求箸吉凶



影響錄。

宋昌宗。宣和初任。刻真宗詔條。氏族譜云。宋氏家法雖嚴。獨於民寬。如爭鹽酒法。亦一事也。故昌宗退居享上壽。

從簡。按從簡其字也。其姓泐。一名僅。見易字。宣和癸卯。攝守南榮。同資中何慤。端卿。遂寧陳開亨。道金川郭純忠。英發。謁王周彥。見城北地仙洞斷碑。

附王珪。仁宗時兩王珪。一開封人。從任福戰好水川。殺賊中矢卒。贈金州觀察使。一字禹玉。成都華陽人。封岐國公。謚文公。官同中書門下平章事。集賢殿大

榮縣志

秩官第十

十一

川

學士。尚書右僕射。兼門下侍郎。金紫光祿大夫。皆不言官榮州。舊志列高宗時。自別一人也。

王德通

史煒。眉州人。紹興己未。建九域圖碑。陰書蓮字字。嘗任潼川府簽書節度判官廳公事。吳玠劾范正己。陸彥欽專擅凌忽。二人既被黜。玠疑正己等私有印章。下其事于潼川府。史煒具以在報。會朝廷察其事實。乃已。

劉杞。字家彥。眉州人。知榮州。紹興閒。用趙忠簡公薦。召未造朝卒。

晁公武。字子止。世為澶州清豐人。六世祖佺。始家彭門。



五世祖迴。著有昭德新編等書。世居蜀中。故公武與仁壽喻汝礪丹梭李燾世交友善。省志稱靖康末避難入蜀。殆未詳審。公武紹興中舉進士第一。二十一年。以侍郎改刺榮州。撰郡齋讀書志。

費庭。字直夫。安仁人。紹興二十六年。知榮州。建炎中。趙開爲四川大漕。始變酒法。置隔釀。設官主之。其法聽民就務。分槽醞賣。官計所入之米而收其課。後酤費虧欠。則責入米之家。認定月額。不復覈其米。而第取其錢。民以爲病。庭知榮州。先四日入辭。因曰。酒戶入易出難。必至傷殘而後已。從其便。則無難矣。詔曰。近榮州守臣費榮。縣志 秩官第十 三 川 〇 〇 〇 庭論蜀中隔槽酒。甚擾民。當張浚趙開以軍興權濟財用。今休兵自合更也。於是命總領所與諸路轉運司措置要錄。

李曄。以左朝奉郎知榮州。二十七年。七月。敕充四川類試考官。

薛仲邕。河東人。嘗面對高宗曰。今明良一德。坐致太平。使監司官貳不妄用。不橫斂。則郡縣無緣騷擾。乞申嚴行下。高宗從之。要錄。

沈鹵。新都人。省志金堂人。建炎二年。戊申。李易榜進士。官至朝奉郎。知榮州。



李燾字仁甫眉州丹棱人唐宗室曹王後紹興八年戊午進士隆興時知榮州榮因溪爲隍夏秋率苦水潦燾築防捍之官至敷文閣學士卒贈光祿大夫諡文簡張栻嘗曰李仁甫平生生死文字間長編一書用力四十年葉適以爲春秋以後纔有此書見本傳

陸游字務觀山陰人淳熙元年五十歲以十一月攝知榮州事明年正月十日去任在州僅七十日又一年乃號放翁也七十日中詩檢錄以諭觀者其紀游者散錄各地也入榮州境云一起一伏黃茅岡崔嵬破丘狐兔藏炯炯寒日清無光單車終日行羊腸村落聚看如驚

榮縣志

秩官第十

三

××××

鷹亦有銀釵伏短牆黃旗翻翻鼓其鏗畫角嗚咽吹斜陽長筒汲井爇雪霜轆轤呀啞官道傍渺然孤城天一方傳者或云古夜郎其民簡樸士甚良千里鬱爲詩書鄉閉閣埽地焚清香老人處處是道場初到榮州云亂山缺處城樓呀雙旗蕭蕭晚吹笳煙深綠桂臨絕壑霜落殘瀨鳴寒沙癯臺已無隱士嘯遺宅尙有高人家鈴齋下榻約僧話松陰枕石放吏衙栝羹最珍慈竹筍瓶水自養山薑花地鑪堆獸熾石炭瓦鼎號蜩煎秋茶少年遠游無百里一飢能使行天涯豈惟慣見蓬婆雪直恐遂泛星河槎故巢肯作兒女戀異境會向鄉閭誇一



楮徑醉幘自墮。鏡下髮影看髮鬢。城上云。雙雙黃犢卧  
斜陽。葉葉丹楓著早霜。沙水自鳴如有恨。野花無主爲  
誰芳。鄆筒陳鱖愁濡甲。巴曲聲悲怯斷腸。賴有平生管  
城子。不妨驅使答風光。濯錦豪華夢不通。歸然孤疊亂  
山中。行歌滿道知人樂。露積連村見歲豐。萬瓦新霜掃  
殘瘴。一林丹葉換青楓。鵝黃名醞何由得。且醉枯中琥  
珀紅。注。榮州酒。未而勁。甚。鵝黃。廣漢酒名。醉中懷眉山舊游云。勁酒少和  
氣。哀歌無歡情。故鄉不敢思。登高望錦城。錦城那得去。  
鬢鬢慕隨路。遙知尊前人。指我題詩處。我雖流落夜郎  
天。遇酒能狂似少年。想見東郊攜手日。海棠如雪柳飛

榮縣志

秩官第十

古

XXXX

注。漢嘉術者袁牧。寬。謂子。明年春。分後。當還西州。登城望西崦云。登城望西

崦。數家斜照中。柴荆蓋亦閑。乃有太古風。慘淡起炊烟。  
寂歷下釣筒。土瘠麥苗短。霜重桑枝空。恐是種桃人。或  
有采芝翁。何當宿樓上。月朗照夜春。甲午十一月十三  
夜。夢右臂踊出一小劍。長八九寸。有光。既覺。猶微痛也。  
云。少年學劍。白猿翁。曾破浮生十歲功。玉具挂頤誰復  
許。蒯緤彈鋏老猶驚。牀頭忽覺蛟龍吼。天上方驚牛斗  
空。此夢怪奇。君記取。佩刀猶得世三公。客中夜寒。戲作  
長謠云。孤翁癡鈍如寒蠅。霜夕不瞑愁嚴凝。寢衣觸體  
起芒粟。鼻息噓濁成冰凌。萼萼默數嚴譙鼓。耿耿獨看



幽窗鐙。支牀龜老共夜永。號月鷄冷同晨興。白狐紫貂  
了不煖。何況蜀錦并吳綾。靜思忽得安樂法。人生所欠  
絮與繒。十年一衲尙可過。不信請視匡山僧。太液黃鵠  
歌云。漢始元元年。春二月。黃鵠下建章宮太液池中。公  
卿上壽。賜諸侯王列侯宗室金錢。子夜讀漢書。追作歌  
一首。建章宮裏春風寒。太液水生池面寬。中人馳奏黃  
鵠下。龍旗豹尾臨池看。芹香藻煖鵠得意。左右從官呼  
萬歲。須臾傳詔宴公卿。驩聲如雷動天地。時平宮省游  
樂多。黃鵠刷羽涵恩波。小臣珥筆龍墀下。願繼前朝天  
馬歌。自唐安徙家來和義。出城迎之。馬上作云。身如林

榮縣志

秩官第十

五

八川文

下僧處處常寄包。家如梁上燕。歲歲旋作巢。豈惟人所  
憐。顧影每自嘲。眼看佳山水。不得結把茅。造物困豪傑。  
如視餓虎哮。要令出精神。感激使叫喚。頗思投筆去。走  
馬盤雲旂。三更冒急雪。大戰梁楚郊。乙未元日除夕注

制司檄

催赴官云。五十人閒老大身。更堪從此數新春。萋萋漏

鼓催窗色。急急文書動驛塵。病後光陰常自惜。客中節  
物爲誰新。壯心只向郵亭盡。自揣頭顱莫問人。別榮州  
云。浮生歲歲俱如夢。一枕輕安亦可人。偶落山城無事  
處。暫還老子自由身。嘯臺載酒雲生屐。仙穴尋梅雨墊  
巾。便恐清游從此少。錦城車馬漲紅塵。

嘯臺在富義門外一里。號孫登



嘯臺雙溪王氏有石穴。又水龍吟詞云。摩訶池上追游。黃太史榜曰地仙洞。路。紅綠參差春晚。韶光妍媚。海棠如醉。桃花欲煖。挑菜初閒。禁烟將近。一城絲管。看金鞍爭道。香車飛蓋。爭先占。新亭館。惆悵年華暗換。黯銷魂。雨收雲散。鏡奩揜月。釵梁折鳳。秦箏斜雁。身在天涯。亂山孤壘。危樓飛觀。歎春來。只有。楊花和恨。向東風滿。按此詞舊題春日游摩訶池。非也。乃春游憶摩訶池耳。觀詞自知。不待智者而辨。且放翁在蜀。無春日官外州者。亂山二句。於蜀州嘉州均不合。詳稽本集。蓋淳熙二年榮州作也。可發王昶輩之蒙矣。

榮縣志

秩官第十

六

川上川

張价。字少衛。淳熙閒任。楊高。夾江人。

趙夔。字堯卿。遂寧人。乾道二年進士。嘗知榮州。與蘇叔黨分類注蘇詩。自崇寧至紹興初三十年始刊行。世推詳備。

虞剛簡。字仲易。忠肅允文孫。道園集云。從兄德觀與集同出榮州府君。有句云。我因國破家何在。君爲脣亡齒亦寒。則道園爲允文五世孫。與史合。

蹇大中。郭益。楊良孫。巴州人。曹文鏞。瀏陽人。

孟失名

宋中和。字時發。眉州人。隆興癸未進士。慶元初任。



呂文修汲縣人

趙與樞舊志資中人。宋宗室。按世系表與樞太祖十世孫。出燕王德昭房。宋宗室皆聚京師。熙豐間始許居外。蜀中宗子甚衆。無親賢領之。乾道七年以虞丞相言欲移紹興府宗正司於成都。不行。但每州以行尊者一員。檢察錢米。襍記。

趙薦

馮儼安岳人。曠臺有記。

袁桂開禧中任建雁塔。

李劉臨川崇仁人。字梅亭。以其父葬梅亭也。與魏華父

榮縣

志

秩官第十

七

川文。十一

善其祖彥華字仲實。父號次琮。悉華父銘墓。兩爲中書舍人。三入翰林直學士院。入蜀佐制司幕府。與魏剛簡同行。興元再入蜀。守榮州眉州。進總漕事。並總蜀師成都。守本路憲四川都大賣茶買馬等司。凡八印。所得圖書。輒以印識之。箸有語纂。閉門錄理語。皆燬。知榮州謝表云。佐黔巫之東鄙。將及代瓜。守巴夔之南安。濫叨符竹。出幕十年之未久。循牆三命之惟共。冒象馬以牽江。跨犍牂而入境。皆知聖主清衷之一視。故令愚臣白首以重來。伏念臣殖學拙疏。賦才膚淺。耗精神於場屋。得弗償勞。疲筋力於塵埃。衰不待老。頃緣政府。入總成均。



韓愈補苴。奚益茫茫之墜。鄭虔輶軻。難陪袞袞之登。久去國以奉祠。辱起家而貳郡。敢意三刀之夢。蜀復令五月而渡瀘。維今榮隱之邦。實昔夜郎之境。刀耕火種。矛浙劍炊。歲計經常之租。無六千斛。郡仰斥鹵之羨。止五百緡。比因刻木之化。銷致辱前茅之根。拔熏鼠不嫌於穹室。奪牛反甚於踐田。凡昔留州。悉今送使。無復升斗米之貸。存活介鱗。縱得二千石之良。終成狼狽。豈其庸謬。堪此奉祠。伏遇陛下。政在養民。仁不遺遠。雖蓬鬢雪皤之戍。萬里軫憂。與長安日近之州。同時并命。重念和義。濮庸之路。未正紹熙。替置之名。三年弄印。而印刑。四

榮

縣

志

秩官第十

大

八川文。七十一

番代庖而庖竭。斫兕削例。不待張詠。薦李暉之來。拔滯振淹。蓋法藝祖用王明之意。臣敢不謹身率物。節用愛人。且飲冰茹蘖。以自將。勿爲義疚。儻求牧與芻而不得。甘罪奚歸。賀黃轉運使除總領。啟云。內躋郎省。外總餉臺。西賓出幕之十年。遂專主席。東漕下車之三月。盡總賦輿。人歆錫命之蕃。上恨用公之晚。恭維器資凝遠。業履端溫。言行夙擇乎中庸。名實久孚於上下。頃歲紅巾之變。折衝白刃之間。數進忠規。刈葵惟恐其放手。縱無恩澤。徙薪豈下於焦頭。共推江夏之無雙。再試潁川之第一。維駒維騏。維駱暫紆苞栩之飛。如熊如羆。如貔如



飽樵蘇之爨。帝咨衆望。僉曰公宜。王人下視於諸侯。有嚴天節。郎官上應於列宿。肯歷土山。政令先庚而已。孚軍民旁午以相賀。田里愁恨。歎息久已周知。財貨本末。源流尤皆宿講。皮不存則毛將安附。唇既亡則齒得無寒。欲兵食兼足之沛然。在制閫同心而已爾。既無閭秦越之肥瘠。何難圖韓范之功名。某百無一能。億或屢中。頃進總領。甚稱之語。蓋在咨諏。周爰之初。茲聆除目之頒。豈勝頓足之喜。惟榮之歲租無五千斛。而使所月解。近七萬緡。昨賴管剪抱賣之贏。用補大科帶補之欠。近困井遷之後。難施箕歛之苛。在小郡官兵。既多空腸。而

榮縣志

秩官第十

九

卷之十一

大司符移。尙理虛額。巧但施於有麩。窮莫甚於無錐。與物爲春。望公如歲。今夕飲者恩。明日按者法。正累故人。觀察急於賦。刺史私於民。願哀老子。何友諒。字子益。夾江人。知榮州。捐羨錢二萬四千。糴社倉於四邑。爰立成法。各以邑之善士司出納。以杜官吏侵牟。朝廷於是頒其法於諸路。

高稼。字南叔。邛州蒲江人。嘉定七年進士。寶慶三年。元兵至武階。桂如淵鎮蜀。累辟稼治兵洋沔之間。策不盡用。城破。如淵罷。李亶代之以稼。久勞。請改昇內郡。差知榮州。後死沔州之難。諡曰忠。入忠義傳。







文郁榮德令 梅監民 何宗元 扈永 劉宗奭  
范廷堅 何宗韓 宋壽 楊宿 句紱 費員 何  
宗道 員悅 楊迪 張廷珪遂寧人進士 石順之  
楊舟。左朝散郎成都府路鈐轄司幹辦公事。王序女壻。  
見序墓志。

丁某。右從正郎榮德令。見資國鎮烽堠碑。

楊綰 王寵光 呂道倫 趙彭年 孫大全 趙師

芝 王熙績 蒲良顯 盧如晦 張澹 趙與騫

何煥 趙伯綬 楊同 黃祖烈 任燾 趙常 王

益 石孝孺 杜旺可 廖誠之 王旦 呂少謨

榮 縣 志

秩官第十

三

川川八。川十二

程昇

楊仲修。臨邛人。淳熙閒。榮德令。按今小南門外龐靖侯  
祠。有通惠威烈顯應侯殿碑。署朝散郎新知簡州軍事  
楊仲修書。時嘉定元年。則寧宗時尙官榮。距淳熙廿餘  
年矣。書法山谷。沈毅有體。其碑之陽有夢溪沈博毅書。  
按博毅爲存中子。見夢溪筆談。按跋則沈亦官榮耶。

劉衡 句路 虞宗澤仁壽人 呂伯容 張材 李

旬老

常有開。字子先。富義人。慶元中。調榮德令。名室廉勤。朝  
夕服念。公井鹽爲吏裏減。行旅不通。則抑配齊民。有開



檢扼吏姦。而除其害。見鶴山文集。

莫演之。范純牟女。打虎救母詩序云。權縣莫伯祥。鏤冊以申勸戒。時寧宗嘉泰四年。演之。或其人也。

伍師莊 陳焯

趙震。安岳人。隆興元年。癸未科。木待問榜進士。

和平仲。乾道中。資官令。見小井溝崖壁。

趙汝乙。遂寧人。淳熙二年乙未科。詹曠榜進士。榮德令。見馮儼嘯臺記。按世系表。汝乙太宗八世孫。出漢王元

佐房。

袁豐。遂寧人。進士。任正己。眉州人。紹興進士。省志正

榮縣志

秩官第十

三

川三三〇八十三

作震。

張之巽。省志。寶祐元年。癸丑科進士。有張巽之。雅州人。

燕德裕 趙震先。安岳人。進士。王應酉。南充人。嘉定

中進士。

已上縣令

句評事。見劉兼詩。按職官志。有大理評事。蓋以秩而仕於州者。

王俶。黃志。武安公廟記。題榮州推官王俶立石。舊志謂刺史誤。

丁處榮。富順人。咸平間。王均叛。圍富順。監守佐俱逃。處



榮備牛酒宴於譙樓。卽席命勅之。詔擢榮州長史。富順志作刺史。碑目攷作李處榮。有咸平獎諭李處榮勅云。擢榮州長史。

宇文昌齡。字伯修。成都雙流人。神宗時。以進士甲科調榮州推官。官至戶部侍郎。見本傳。

張道古。榮州錄事參軍。見王介甫集句希仲墓志。

史克恭。丹棱人。元祐六年進士。自榮州軍事判官攝本縣令。禦賊於蟠龍峽。以死。嘉泰間。錫廟。褒忠。封忠佑侯。鄭蛟。淳化間。司理判官。職官志有以判官兼司法。亦有并判官窠闕省罷。令錄參兼充。司理判官者。以司理參

榮縣志

秩官第十

三

川上上。上川

軍兼判官也。宋制。州縣官不以家隨。蛟冒禁挈妻之任。李順構亂。其黨田子宣攻陷城邑。蛟捕得之。擢推官。至是。知梓州。張雍奏其事。被戮。太宗申詔。劍南州縣官不得以族行。敢有妄稱妻爲女奴。攜以之官。除名。見選舉志。

王鞏。字定國。大名莘人。與東坡友善。紹聖初。簽書榮州判官廳公事。見甲申雜記。

劉儀鳳。字韶美。安岳人。紹興中。爲榮州掾。趙逵薦儀鳳富有才華。恬於進取。史稱苦學。至老不倦。尤工詩。言論節槩。著於行事。



何普字德厚。蒲江人。慶元五年進士。開禧間。爲榮州司戶參軍。兼司法。污吏受輸廩粟。惡而易腐。或至裁削。供軍以取充數。普力禁其敝。出納惟一。士服其公。守才之。俾兼他治。勤瘁以死。

馮世雄。提舉榮州軍事推官。見省志金石編。世雄謨勅。賜廣利寺善濟塔碑記。

楊丙之。嘉熙二年。以嘉定法掾爲府吏。見開化寺崖壁。已上州掾。

樊某。左迪功郎榮德主簿。陳某。右迪功郎榮德尉。均見資國鎮烽堠碑。

榮縣志

秩官第十

三

川百六〇八七

宋蘊。字元發。彭山人。淳熙五年進士。應靈主簿。縣仰給。煮井。民有逋課。莫能償。君攝令。問故。則曰井涇已久。徒繫我於此。故積負益多。君縱遣。聽自爲約。皆如期畢。輸。民有怙賞。數犯法。君至。亦以瓜果嘗試。君笑卻之。由是無敢一豪恣肆。終果州流谿令。

彭運成。字子遠。丹棱人。慶元五年。與魏了翁同年進士。調應靈主簿。

陳某。資官尉。未赴。后山仲父也。見后山文集。

已上縣掾

張頤。楓窗小牘。宣和五年。三館參校。榮州助教。張頤所。



進書二百二十三卷。皆系祕書省缺佚。乞加褒賞。願賜進士出身。

句演。隆興初教授。撰圖經。

馬範。字器之。臨汾人。榮州教授。嘉定李璧。季章。吳獵。德夫。所引重。卒鶴山銘墓。

張仲。嘗記榮州云。界屬東西。無桑麻。以便農。無舟楫。以便商。昔以鹽利富饒。號爲東州道院。謂其民淳事簡。可以道化也。

文南榮。宜賓人。官從政郎。有儒學。封祀五臣碑。

蹇寅望。劉道成。開禧中教授。

榮縣志

秩官第十

五

川百。卷上

已上教授

盧守勲。字君錫。開封祥符人。明道中。進榮州防禦使。見宦者傳。

鄧保信。景祐三年。詔取保信及阮逸。胡瑗等。鐘律。詳定得失。可否。以聞。皇祐五年。九月。以制鐘律成。遷保信榮州防禦使。見樂志。

燕達。字逢辰。開封人。神宗時。以平蠻功。拜榮州防禦使。卒。贈開府儀同三司。謚毅敏。神宗以其忠實。可任。嘗問用兵當何先。曰。莫如愛。帝曰。威克厥愛。可乎。曰。威非不用。要以愛爲先耳。見本傳。



劉仲武字子文秦州成紀人熙豐間以平吐蕃功進榮州防禦使見本傳子琦爲名將。

王贍秦州寧遠人客省使君萬子元符中以攻青唐功進榮州防禦使見本傳。

楊進建炎二年宗澤假統制官楊進榮州防禦使知河南府會宗澤死進遂輟行見要錄。

王繼先開封人建炎初以醫得幸四年七月特遷榮州防禦使中書舍人季陵草制略曰勉思藝諫毋忘

戒於驕淫保此休寵時論少之其後冠絕人臣進秦檜堦侍御史杜莘老劾之中有云淵聖成喪舉

榮縣志

秩官第十

三

川上。上。

飲令妓女舞而不歌謂之啞樂餘罪擢髮難數詔繼先福州居住入佞幸傳。

蓋公佐右武大夫榮州防禦使建炎四年十二月范宗尹擬起復任樞密副都承旨與辛道宗邢煥竝上既而道宗被用要錄。

關師古紹興元年五月以拱衛大夫貴州防禦使爲榮州防禦使要錄。

趙令時字德麟燕懿王玄孫紹興二年閏四月呂頤浩言令時讀書能文元祐間蘇軾嘗力薦高宗曰令時昔嘗事宦官譚稹清議不容不當復齒士大夫之列乃以







詰榮州防禦使 士宛榮州防禦使 士畧右監門衛  
大將軍榮州防禦使 士授右監門衛大將軍榮州防  
禦使 士灞榮州防禦使 士觀榮州防禦使 叔達  
贈左武衛大將軍榮州防禦使 捐之武衛大將軍榮  
州防禦使

已上遷階防禦使

李惟賢字寶臣潞州上黨人明德皇后兄繼隆孫仁宗  
時領榮州團練使。

楊燧開封人皇祐中從征儂智高有功遷榮州團練使  
卒贈侍中諡莊敏見本傳。

榮縣志

秩官第十

三

川××○4611

折可大雲中人武安軍節度使克行之子耀州觀察使  
惟忠之曾孫英宗時爲榮州團練使見折德辰傳。

趙思忠西蕃族曰木征熙寧七年舉洮河二州來降賜  
姓名趙思忠拜榮州團練使見神宗本紀外國傳。

和斌字勝之濮州鄆城人神宗時平撫水蠻羅世念以  
榮州團練使知宜州斌老於爲將以恩信得人心故所  
至無事見本傳。

高永能字君舉世爲綏州人元豐四年平米脂曾進榮  
州團練使以徐禧李稷永樂之陷死節見本傳。

王文郁字周卿麟州新秦人元豐中夏人圍蘭州文郁



突之賊掃營去。擢知蘭州。繼以皋蘭戰功。加榮州團練使。見本傳。

郭忠

程迥。字惠老。開封人。宣和中。征方臘有功。加榮州團練使。死。金人之難。謚恭愍。入忠義傳。

李子厚。以榮州團練使北徙。紹興十九年。正月。祕閣修撰張邵言秦檜之功。當宣付史館。云其北徙至金。有榮州團練使李子厚言。秦公會爲徽宗皇帝撰長書。抵金帥尼瑪珙。大義誚責。尼瑪珙有慙色。及臣南歸。江有爲臣言。曾有自金傳寫得其書。臺觀之者。要錄。

榮縣志

秩官第十

元

元

川月一〇上十

陳迥。武功大夫。榮州團練使。建炎二年。正月。洛索陷長安。京兆府路經略使唐重。陝府西路轉運副使桑景詢。判官曾謂。京兆府提點刑獄公事郭忠孝。經略司主管機宜文字王尙。及其子建忠。與宗閔皆死。迥猶率餘衆巷戰。嘔血誓衆。敵大入。死之。要錄。

孔彥舟。武經大夫。榮州團練使。建炎四年。七月。以捕鍾相功。眞拜利州觀察使。充辰沅靖州鎮撫使。兼知辰州。曹成。紹興元年。三月。以榮州團練使知郢州。八月。引兵攻沅州。万俟卨。要錄。

劉超。武節大夫。榮州團練使。紹興元年。冬。十月。知光州。



二年二月爲武功大夫榮州防禦使知眞州要錄。

趙延壽榮州團練使二年五月呂頤浩總師次常州延壽所部忠銳軍叛劉光世遣王德追至建平盡殲之要錄。

蘇易榮州團練使要錄。李璜榮州團練使知鄧州要

錄。

楊政榮州團練使環慶路馬步軍副總管同統制軍馬三年六月爲明州觀察使要錄。

李道字行之相州人其中女爲光宗后以功領榮州團練使。

榮縣志

秩官第十

三川文苑。二十

郝中正榮州團練使七年三月特贈翊衛大夫要錄。

韓世良七年九月以閤門宣贊舍人帶御器械領榮州團練使要錄。

劉綱榮州團練使兼閤門宣贊舍人知泗州要錄。

韓誠十二年七月以榮州團練使爲武德大夫忠州防禦使要錄。

趙士芑右監門衛大將軍榮州團練使紹興十六年特換武德大夫要錄。

趙士昭榮州團練使開國侯世系表。士珩武功大夫榮州團練使世系表。



已上團練使

曹琮。字寶章。真定靈壽人。武惠王曹彬子。太宗時。遷榮州刺史。兄珣。娶秦王女興平郡主。仁宗冊兄玘之女。是為慈聖光獻皇后。琮小心謹畏。卒贈安化軍節度使。謚忠恪。見曹彬傳。

高繼勳。字紹先。亳州蒙城人。侍中瓊子。真宗咸平中。以平蜀戰契丹。累功兩領榮州刺史。卒贈太尉。在蜀有威名。號神將。見本傳。

焦守節。字秉直。許州長社人。真宗時。奉使契丹。館伴丁求說指遠山。謂曰。此黃龍府也。守節應聲曰。燕然山距榮縣。秩官第十。

三

川川川。上上

此幾許。求說慙服。久之。遷榮州刺史。後以右神武大將軍致仕。卒。見本傳。

錢守讓。字希仲。杭州臨安人。吳越王俶孫。天禧四年。領榮州刺史。守讓勤學。為文章。退居多閉門讀書。有集三十卷。

高化。字仲熙。真定人。乾興初。授榮州刺史。史稱有功邊鄙。武人而知民事者。卒贈太尉。謚恭莊。

馮伸已。字齊賢。文懿公拯之子。明道初。改東染院使。領榮州刺史。見馮拯傳。

李緯。宋州楚邱人。紘弟。慶歷初。以在。騏驥使榮州刺史。



知雄州。見李昌齡傳。

范恪，字許國，開封人。慶歷中，邊賊犯高平軍，劉璠堡。仁宗特召見，遷榮州刺史。令趣范仲淹麾下。卒，贈昭化軍節度使。見本傳。

附賈逵，真定藁城人。皇祐中，從狄青征儂智高，取邕州。時將校多以搜城故，匿竊金寶，獨逵無所犯。遷西染院使，嘉州刺史。舊志授榮州誤。

曹傳，贈吳王玘之子。慈聖光獻皇后之兄。榮州刺史。諡恭懷。見曹彬傳。

趙思齊，左藏庫使，榮州刺史。忠獻韓王普之玄孫。襍記。榮縣志 秩官第十 三十一

趙思復，武經大夫，榮州刺史。思齊弟。趙思行，武功大

夫。榮州刺史。思復弟。

李評，字持正，潞州上黨人。熙寧中，榮州刺史。見李遵勗傳。

高遵裕，字公綽，亳州蒙城人。宣聖皇后叔。熙寧中，進榮州刺史。入外戚傳。

劉昌祚，字子京，真定人。神宗時，從王中正入蜀，破篔簹羌，加榮州刺史。官至武康軍節度使。卒，贈開府儀同三司，諡毅肅。見本傳。

時君卿，鄭州人。續通鑑長編。元豐元年，四月，時君卿爲



宮苑使榮州刺史。前此上批君卿承學潛宮。可稍遺兼一遙郡。今故有是命。蘇子瞻與君卿東閣道話詩。卷卷長廊走黃葉。席簾垂地香煙歇。主人待來終不來。火紅銷盡灰如雪。

苗授字授之。潞州人。神宗時。鬼章寇河州。授一戰克撒宗。論功加榮州刺史。卒贈開府儀同三司。謚莊敏。見本傳。

張蘊字積之。開封將家子。夏人寇順寧。蘊俘斬甚衆。遷榮州刺史。後徽宗鄭皇后母。自鄭氏再適。蘊力辭恩官。人以爲賢。卒贈感德軍節度使。謚榮毅。見本傳。

### 榮 縣 志

秩官第十

三

川×川。上三

孟在。隆祐太后父。哲宗朝。宣仁選立后。進在爲崇儀使。榮州刺史。見哲宗孟皇后傳。

張俊字伯英。鳳翔成紀人。靖康中。高宗爲天下兵馬大元帥。俊勤王。累功轉榮州刺史。見本傳。

楊存中字正甫。代州崞縣人。建炎二年。遷榮州刺史。見本傳。

王德字子華。通遠軍熟羊砦人。建炎三年。平信州妖賊王念經。加武顯大夫。榮州刺史。史稱其威畧。

曲端字正甫。鎮戎人。高宗時。罷威武將軍。紹興元年。正月。敘正任榮州刺史。見本傳。



牛皋。字伯遠。汝州魯山人。史稱爲岳飛部將一時之傑。討劇賊楊進于魯山。三戰三捷。累遷榮州刺史。見本傳。李惟德。紹興元年。三月。金人自階州引兵犯文州。江漲不得渡。還棄成州去。知岷州武德大夫李惟德。率官吏以城來歸。先惟德守廓州。城陷。敵就用之。至是宣撫處置使張浚錄其功。遷右武大夫榮州刺史。要錄。

房湜。以散武郎爲武翼大夫。榮州刺史。知房州。要錄。

韓京。武功大夫。榮州刺史。樞密院將領。以所部屯茶陵縣。與湖南安撫司統制軍馬吳錫。皆起於羣盜。京本王以甯部曲。以甯廢。心常不平。前河東經略司幹辦公事

榮縣

志

秩官第十

三

川上上。〇上上

王久中。遺錫書。論京專權擅命。錫啟聞於朝。事下韓世忠。未達。神武副軍都統制岳飛并京錫軍自將之。紹興二年閏四月事也。要錄。

申世景。一年。十二月。閩盜范忠起。詔令世景以神武前軍左部統領與御前忠銳第六將軍德忠往捕之。事平。以勞自武功大夫加榮州刺史。要錄。

薛安靖。四年。正月。以武義大夫爲榮州刺史。知全州。要錄。

柴斌。武功大夫。榮州刺史。閤門宣贊舍人。四年。三月。除神武中軍後部同統領。要錄。



楊珪初爲武經郎。知濟州。兼管內安撫司公事。四年。十一月。爲武功大夫。榮州刺史。要錄。

丁禕。武德大夫。榮州刺史。嘗知漣水軍。後罷去。爲秦檜給使。頗用事。士夫無操者。乃與之游。要錄。

潘邵。武節大夫。榮州刺史。要錄。

潘清卿。二十二年。八月。以武翼大夫高州刺史落階官。爲榮州刺史。要錄。

吳拱。榮州刺史。階成西河鳳州兵馬都鈐轄。御前後部同統制軍馬。二十五年。十一月。知成州。要錄。

劉伉。右武大夫。二十七年。十月。領榮州刺史。要錄。

榮縣志

秩官第十

三

川入上。一。一。一。

劉光輔。左武大夫。榮州刺史。要錄。

劉澤。二十九年。十二月。以武功大夫榮州刺史知襄陽府。要錄。

趙愐。三十年。四月。以右內率府率爲榮州刺史。

吳挺。字仲烈。信王璘子。三十二年。正月。以右武大夫爲榮州刺史。官至太尉。紹熙四年卒。贈少師。少起勳閥。弗居其貴。禮賢下士。雖遇小官賤吏。不敢怠忽。拊循將士。人人有恩。璘故部曲。於庭下。輒降荅之。卽失律。誅治無少貸。孝宗曰。挺是朕千百人中選者。光宗賜內府珍奇。以示殊禮。見吳璘傳。



張說。右武大夫。榮州刺史。趙士襄。榮州刺史。下均見世系表  
士俟。右監門衛大將軍。榮州刺史。士治。榮州刺史。  
鎬之。武功大夫。榮州刺史。公餗。右監門衛大將軍。榮州刺史。

趙師淳。太祖八世孫。信王璩子。淳熙十五年。信王薨。師淳才五歲。初命為武翼大夫。榮州刺史。襍記。  
已上遙郡刺史

周恭肅王元儼。太宗子。大中祥符元年。進封榮王。宗綽。濮王子。追封榮王。有奕。神宗孫。和義郡王。希瓚。理宗父。太祖十世孫。追封榮王。

榮縣志

秩官第十

三

川卷四。上三

衛國公暉。寧宗開禧元年。五月。詔為皇子。進封榮王。王頒教于榮。詳金石。

趙士瑀。贈太師和義郡王。下均見世系表從信。惟忠子。德昭

孫。太祖曾孫。榮國公。挺。孝宗孫。乾道二年。六月。封榮

國公。世程。榮國公。世門。榮國公。少師。世恬。榮國

公。少師。世卓。榮國公。世闡。榮國公。令瑤。榮國公。

諡良懿。令穰。贈榮國公。諡恭敏。令軌。贈榮國公。

令蟾。贈榮國公。仲顥。榮國公。諡修惠。仲處。榮國公。

諡良靖。仲真。榮國公。仲綰。榮國公。諡敏僖。仲汾。

榮國公。諡僖安。仲憫。榮國公。諡和思。仲隗。榮國公。



諡僖惠。仲的，榮國公，諡孝節。仲瓚，榮國公。仲觀

榮國公。仲緘，榮國公，諡孝恭。仲皋，贈少師，榮國公。

諡孝良。士雷，榮國公，諡良。士昇，榮國公。士贈，贈

昭義節度使和義郡公。克類，榮國公，諡良孝。克用，

榮國公。克勇，榮國公。克奮，榮國公。叔敖，榮國公。

叔急，榮國公。叔悝，榮國公。叔混，榮國公。叔何，

榮國公。叔倡，榮國公。叔傳，榮國公。

范百祿，字子功，成都華陽人。鎮兄子。官至中書侍郎，贈

榮國公。著有榮國集五十卷，奏議六卷，內制五卷，外制

五卷。

榮 縣 志 秩官第十 三 川 川 川 〇 上 川

何執中，字俗通，處州龍泉人。政和中，封榮國公。見本傳。

劉光世，少師。萬壽觀使，榮國公。

鄭藻，紹興中，以后祔廟恩，拜隴州防禦使。凡四使金，加

太尉。卒，追封榮國公。

錢忱，字伯誠，吳越王俶五世孫。紹興十五年，除少保，封

榮國公。見本傳。

楊存中，太傅，甯遠軍節度使，醴泉觀使，和義郡王。

郭城，追封榮王。見孝宗成穆郭皇后傳。

呂文德，追封和義郡王。

高宗憲聖慈烈吳皇后，和義郡夫人。下均見 孝宗蔡

后妃傳

孝宗蔡







秉忠許衡言。官制始備。其長蒙古人而漢人貳焉。每簡因時因事而置。榮自宋德祐亡。六十二年。去寶祐之廢八十年。始立紹熙府宣撫司。正官六員。宣撫使同知副使各二員。首領官二員。經歷知事提控案牘各一員。司獄一員。蒙古儒學教授各一員。令史八人。驛使知印怯里馬赤各一人。奏差四人。其州縣巡檢司。各設官如制。茲錄其槩。

贍思。字得之。家真定。順帝至元二年。分巡雲南。時襄漢流民聚居。宋之紹熙府各地。至數千戶。私開鹽井。自部署。往往劫囚徒。殺巡卒。贍思乃禽其魁而釋其黨。復上

榮

縣

秩官第十

堯

川文上。上三

言紹熙士饒利厚。流戶日增。若以其散還本籍。恐為邊患。宜設官府以撫定之。詔卽其地置紹熙宣撫司。後諡文孝。入儒學傳。

脫脫。字大用。卽托克托也。本紀。至元四年十一月丁卯。命御史大夫脫脫兼紹熙府都總使。本傳以金紫光祿大夫兼紹熙宣撫使。六年。以逐伯顏功。知樞密院事。兼紹熙等處軍民宣撫都總使。次年。爲右丞相。後封鄭王。吉當普。順帝本紀。至元四年十一月丁卯。命治書侍御史吉當普爲紹熙府副都總使。世襲其職。百官志同。按順宗元統二年。吉當普已僉四川肅政廉訪司事。



曹詩。字必才。羅山人。順宗朝進士。舊志榮州大尉。曹必才。有榮德山保守禦敵功碑。曹氏譜。必才官南京。剿除紅巾。以功升南城大尉。降榮州判撫。在任十八年。按譜言由醉。今理董之。元無南京。蓋卽河南。浴金稱也。紅巾卽劉福通。徐壽輝等。時謂紅軍。亦曰香軍。朝旨謂河南妖寇。元制大尉秩高。如漢職。行事攝官承之。自納麟外。不多見。惟主捕盜之尉。乃常職。漢書王莽改制。以都尉爲大尉。後或誤襲之云。判撫蓋州之判官。其二云在任十八年。則至正十四年莅任。十七年。明玉珍襲重慶。與元大戰嘉定大佛寺。遂據成都。故榮保希夷山砦。詩旌歸榮

榮縣志

秩官第十

罕

川三十一。三十一

玉珍二十三年。玉珍稱帝。國號夏。詩旌臣夏。洪武四年。湯和下重慶。明昇降。詩旌臣明。詩生元成宗大德七年。及明洪武八年卒。年七十二。當玉珍之據蜀也。元死節者。朗革。友。趙資。完者。都。世稱三忠。及明之滅夏也。汪興祖。丁世貞。諸人死焉。餘皆審機以爲去就。詩壹意保境息民。民德之。故刻像羅漢洞巖。致頌。

明

洪武初。榮爲州。知州一人。同知判官無定員。學正一人。九年。改爲縣。知縣一人。縣丞主簿或缺。典史一人。教諭一人。訓導二人。



馬公輔。襄陽人。曹氏譜。元末河南曹詩判榮州。三年。明王珍據蜀。又五年稱帝。又九年。明遣湯和。下重慶。明昇降。詩奉州冊歸明。令仍領州事。詩以老辭。公輔代之。舊志稱兵燹後。創置一切。動合機宜。

孔克宜。曲阜人。孔子五十五世孫。二子居榮。

林昇

馬福。十二年任。增修縣治。

楊文進。十四年任。

朱如魯。餘昌人。進士。永樂初任。建文之難。胡子昭坐誅。宗族外親。謫戍籍沒。如魯力爲申理。全者甚衆。烏虞仁榮。縣志。秩官第十。聖。川上三〇上川。人也。

雷震。泌陽人。舊志稱明敏。豪奸屏迹。

李文郁。宣城人。李清。昆明人。吳仲。江西人。

尹士恭。楚雄人。正統時任。舊志稱有德政。

劉清。衡山人。天順四年任。繕學宮。

譚源。番禺人。黃充。吉水人。

郎玉。仁和人。成化六年任。增修孔子廟。有記。

王昱。晉寧人。舊志稱其惠愛。

敦孜。譚本。清。廣東人。

劉達。沔陽人。舊志稱有德政。



鮑圭。青陽人。成化末任。城曠就圯。圭減築之。

張隆。醴泉人。舊志稱崇尙名節。

鄒泰。巴陵人。

楊鳳。鳳陽人。舊志稱廉靜。

陳榮。陳璽。烏蒙人。

毛秀。江陵人。正德閒任。舊志稱建學校。

白繪。正德閒任。

李銳。大理人。舊志稱振饑有方。有東川謁胡公里詩。一

代孤忠。此地生。望中無處不傷情。鳥啼林谷悲春靜。雲

擁蒼楹。鎖月明。碧血有靈抽勁草。青山萬古護佳城。我

榮 縣 志

秩官第十

聖

川文川〇六上

來照影東川水。獨倚闌干抱不平。石門云。先生古忠臣

我來訪故里。下馬過高梯。清風只在此。

古邃 許耿濟。江夏人。孫欽。黃岡人。嘉靖閒任。李

應瑞。永昌人。彭璽。應城人。

熊大輅。字心齋。麻城人。嘉靖中任。造士愛民。邑人爲建

生祠。

王夢魁。寧羌人。嘉靖中任。

劉軒。新化人。嘉慶三十三年任。舊志云清介。

俞倫。靖州人。順庭訓。江夏人。錢佑。新淦人。張文

明。石阡人。李石嶺。醴泉人。范樓。黔陽人。



張九思。韓城舉人。隆慶中任。拓修城隍廟。

潘曰仁

樂繼國。字子野。新建人。萬歷中任。建文廟奎閣。增置學田。城南安聚橋有遺愛碑。

王建元。臨安舉人。劉彙。征陝西人。

張接武。河南人。移建文廟。

李喬嶽。陝西舉人。陳梯。直隸人。唐山斗。貴州舉人。

王三重。雲南舉人。萬歷壬子。仲冬。於鎖江題白雲紅葉刻壁。

楊崇忠。雲南人。崇禎七年任。蔣守洵。廣西舉人。吳

榮縣志

秩官第十

三

川名志卷八

廷鉉。甘肅徽州人。

黃儒。福建舉人。舊志稱愛民造士。去時父老泣送。立去思碑於西南門外。

孫光烈。昆明解元。

秦民湯。漢陽人。崇禎十七年。張獻忠之難。盡節蓮花寺。明史入忠義傳。

已上知縣

秦善。彭裕。巴陵人。嚴濟。張練。董鉞。河南人。

史旻。枝江人。

周宗濂。貴州人。吏員。舊志弭盜救荒。民頌之。



楊國相雲南人 王鸞杞縣人 鄭重汧陽人 李弁  
臨潼人吏員 唐君德 王文學沔縣人 高尙禮寧  
州人 賴崇儒金谿人吏員 湯敬元宜興人 侯元  
勳西鄉人 張尙資咸陽監生 胡坤 耿文瑞河西  
人 劉穆 劉正重 林之灌福建人 程德昌 陸  
夢暘蘇州人

已上主簿

黎浩九江人 陳永學江陰人 陳訓 蕭顯巴陵人  
瞿珍瀏陽人

樊資字文質成化中任羣盜嘯起資單騎往諭盜感其  
榮 縣 志 秩官第十 四 川日二〇八三

恩信解散見陝西通志舊志稱修城捕盜救荒有功伍  
性爲記後朝邑樊得仁生於榮爲分守參議再過榮州  
詩其一云我祖當年此宦游我生宦邸七經秋溪山在  
見如清夢耆舊相逢半白頭弭盜救荒成往事築城督  
捕尙傳流堇原墓道松楸合遺績應勞太史收舊志入  
宋詩誤

許參 張英澈蒲人 冉興安 游一德 董信 郭  
紳 郭守韶桂陽人 楊成太和人 萬鉉黃陂人  
楊彥華富平人 王鼎麻城人 鄭仕興莆田人 黃  
金沅陵人 關振清江人 歐錫資陽人 劉仰忠



馬如圮。陝西人。崇禎十三年。死。張獻忠之難。趙熙詩。野  
狗磨牙噬衆生。微官殉國史無名。大名睽睽當天半夜  
炤。榮山作火聲。

黃士琦 王國卿

已上典史

張朝祖。廬陵人。洪武初任。六年。四月八日。降榮州儒學  
印。時判官馬公輔。學正張朝祖。卽唐之舊。建學宮於桂  
林山。  
徐福祚。威遠人。舊志列張朝祖前。今從黃志。

已上學正

榮 縣 志

秩官第十

星

川三〇八上

夏時伯吉水舉人

汪敏。縣人。舉明經。授成都訓導。秩滿入都。詔奉天門進  
講。議明音暘。授太子左諭。以侍養改縣教諭。黃志薦舉  
篇。汪作江。殆一人。

鍾誠。廬陵人。舊志稱誠心教人。未嘗言利。

劉超安。福舉人。旃鑑

王永。崑山舉人。以易學授諸生。講字學八法。大石門詩  
云。久慕東川景。今過大石門。兩崖高峭壁。一路曲通村。  
好鳥和春晝。清泉漱樹根。若論忠義氣。此路鎮乾坤。  
羅青。萬曆中任。督修學宮。



熊經雲南舉人 胡山雲南舉人 孫頊雲南舉人

張璉漢州人 連佑大理人 楊春元太和人 楊一

巾龍陽人 王汝材玉山人

李會元雲南舉人。有東郊謁崇仁祠詩。不錄。

謝聘。楚雄人。置學田。

李從元雲南人 周紹稷永昌舉人 李高永昌舉人

黃志作季高

劉簡。銅仁人。隆慶初任。撰飛仙橋碑記。

陳萬臨安人 宋廷美臨安舉人

劉朝用。臨桂人。舊志署縣事八月。修葺學校。增廣學田。

榮 縣 志

秩官第十

吳

川川七〇廿上

去時士民感泣。

徐加龍貴陽舉人 石磬璧山人 楊志道昆陽人按

明志雲南有昆陽州 朱奉鑑成都舉人 錢夢捷富

順舉人 趙嘉言

已上教諭

胡子昭。字仲常。初名志高。縣東川溝人。孝孺爲漢中教授時往從學。蜀獻王薦爲縣訓導。見方孝孺傳。陳塗崇仁祠記云。弱冠以經明行修。授其邑訓導。蜀獻王知其賢。薦於朝。太祖親試。延訪。復稱旨。特升翰林院檢討。尋升刑部右侍郎。與傳稍不合。其爲縣訓導則一也。舊志



軼。

伍誠縣人舉明經授縣訓導 周濟衛州舉人 葉政

南昌人 曹釗監利人 閻宗雲南人 陳源 石廷

瑞同州人 向英江陵人 徐銳雲南人 梁賓麻城

人 吳惟中萬曆中署 黃莪與惟中同時督修學宮

李遇陽貴州人 李松貴陽人 李逢春高明人按

明志高明屬肇慶府 林應時 何仁鎮南人 向廷

瑜辰州人 張耀資陽人 陳時敏筠連人 胡文友

富順人 王亮卿 雷都湛忠州人 吳康民

唐安舊志乾隆二十年添修學署於西偏掘得石像鐫

榮 縣 志

秩官第十

聖

川一川。廿文

儒學唐安四字。以當西址疑為明時訓導。按崇慶古稱

唐安而石僅四字。則人也非地也。

已上訓導

清

劉應時遂昌拔貢。順治間任。祀明宦。舊志謂優於造土

陳謨德安舉人。康熙二年癸卯任。重修啟聖宮。

蘭松。鑲白旗蔭生。康熙六年任。祀明宦。舊志以為不事

繁苛。撰有白雀寺碑。

徐騰大興生員十一年任

荆喬蕃。猗氏舉人。十九年任。舊志云。倡修孔子廟。時吳



藩僭竊。榮幸安堵。趙熙曰。八字可珍。史事之僅見者也。  
韓蓋光。高陽進士。二十三年任。倡修縣志。

朱大任。大治進士。二十四年署。時修明史。四川纂通志。  
次年。縣志成。大任有敘。

易其極。監利貢生。二十五年任。縣志有敘。實縣舉人劉  
世璋纂輯。

高宏賢。陝西歲貢。三十年任。

陳士獻。字梅亭。揭陽康熙戊午舉人。三十四年任。蕭曹  
廟有德政碑。張容撰。爲之生祠。

秦國輔。遼東人。三十七年任。

榮縣志

秩官第十

吳

川。川。川。

王澤。山西拔貢。四十一年任。重修明倫堂。有記。

蔣煌。字朗園。北海人。重慶分防黔江管轄土司軍民府。  
四十九年。庚寅秋。攝任。重修啟聖宮。有碑。

李鏞。直隸歲貢。四十九年任。改明察院行臺。爲鳳鳴書  
院。

王國相。鑲黃旗貢生。五十九年任。捐俸買鳳棲山義冢。  
并古佛寺常住田。

陳顥。湖廣人。捐貢。雍正三年任。王惟淳。陝西舉人。五

年任。楊鎔。貴州舉人。九年任。王發善。正定舉人。十

二年任。劉宗賢。江夏進士。乾隆元年任。黃正維。錢



塘人捐貢五年署 金尙素山陰吏員六年署 徐德  
龍海鹽監生八年任 林斗魁海澄舉人十五年任  
黃大本嘉興進士十六年任至二十八年去十二年中  
繕城隍葺書院清義冢修縣志令民掘塘築堰多所建  
置鄉愚競傳尅制風水所謂一闕之市也乾隆二十三  
年大水大本旭川紀事云戊寅六月二十一夜半榮州  
山雨集咫尺城南水拍天滿郭蛙聲雜人泣五更以後  
雨腳收黎明出城勤撫輯水高於屋萬家破死者何辜  
絕呼吸或云兩河蛟作孽我朝往事年六十或云老山  
地勢如建瓴水勢一瀉成壁立余媿父母乎斯民眼中

榮 縣

志

秩官第十

冕

×1110.71

慘慘心汲汲欲爲善後計長久築城鑿池事孔急濠身  
展寬其勢舒蓄洩便於水出入作堤捍水尤要策永永  
人功保茲邑恆情慮始頗覺難官民利害貴相習作詩  
紀事貽後人雨來半夜何嗟及己卯秋葺城工竣云敢  
言百廢已俱興辛苦當於一力承城郭不完甯泄泄室  
家隨我築登登情殷保障人知否邑有逃亡問未曾二  
水五山無恙綠撫心常自切冰兢濬西河云金碧巖前  
地脈通東川直達氣如虹展開水力由山下收得霞光  
入鏡中欲護沙堤先插柳已登秋稼不妨農後來作宰  
榮溪者疏鑿毋忘趁歲豐題龍山云茲山名虎又名龍



塔影羣推文筆峯。人過進賢橋外路。寺傳興國古時鐘。  
登臨載酒還吹帽。蒼翠摩天自種松。試看眞如崖土堦。  
居然人鏡兆芙蓉。

王樑芳蒲縣進士二十八年署 徐坦山陰舉人二十  
八年任 張成器丹徒生員二十九年任 賈廷彥陽  
曲舉人三十二年署 于恆運星子進士三十二年任  
王養源曲周舉人三十三年任

李南暉字青峯通渭舉人三十三年署舊志稱愛民造  
士守正不阿按南暉自書刻石云天地無可圖報只是  
勉力爲善聖賢無可圖報只是反己自修君父無可圖

榮縣志

秩官第十

辛

川卷之〇六文

報只是守身盡職又過朝天峽詩云呼吸風雲近人從  
天路行山光低鳥道水氣溼猿聲改步千峯異達觀萬  
壑平可能通帝座方寸向神京告歸後乾隆四十九年  
逆回不靖罵賊死贈太常寺卿

林儁字西崖大興舉人三十三年署後由成都知府從  
征西藏升鹽茶道陳臬開藩其女公子適張仲冶太守  
所謂不辭清瘦似梅花者也

王承廣惠民進士三十三年署

姜繡字錦凡貴池監生二十四年署萬壽寺書萬壽無  
疆榜至雅



曾承謨臨武拔貢三十四年任 徐宗仁京山舉人三十七年署 符兆熊寧陵監生三十七年任 李萬青濟城舉人四十四年署 王爾昌桐城監生四十五年署 涂長發字松巖江寧舉人四十七年署 張愈聚陝州舉人四十八年署 張兆星婁縣舉人四十九年任 姚燦婁縣監生四十九年署 魏守曾廣昌監生五十三年署 馬履中貴筑舉人五十四年署 龔巽字木夫江寧舉人五十五年任 巽以文章自負多碑刻。

關學閔永安州廩貢五十七年署 徐日辰奉新舉人

榮 縣 志

秩官第十

至

大日〇卅

五十九年署 余英會稽吏員六十年署 席世綸太湖廳監生嘉慶五年署 鄒光通州人議敘六年代辦 邵良常熟吏員六年署

許源字匯泉湘潭舉人七年任 壹意振興尤恤寒賤喜爲文與龔巽埒修縣志有敘嘉慶十二年丙寅仲夏郡守宋鳴琦字梅生奉新人也巡榮縣歸寄許明府云小隊凌雲喚渡來石堂溪外路徘徊好山在沐徐徐轉涼稻如油一一裁比屋聚烟村市集老農含笑畫耘回累君作我山城主繞座荷花饌竹胎君治榮五年五山青入萬人家樹影環城路幾義勝地分應寬禮數賢官民亦愛



清華香生茂叔池邊水。客品廬全午餽茶。身在鏡湖渾未覺。片雲將雨日初斜。許和云。朱蓋青驄按部來。懸知問俗每遲徊。程程騶唱千村繞。曖曖墟烟萬頃栽。茅屋書聲榮隱近。戍樓人語鐵山回。詩心盡入豐年料。早稻花含一寸胎。山城斗大幾人家。父老壺漿列路叉。小縣蔥雲交掩映。炎天佛日自高華。承流媿少棠陰惠。略分同煎社後茶。不負風流漢嘉守。鏡香題字早鴻斜。舊志載宋幕客陳一泖。同於鏡香亭聯句。不錄。

周宏濂。十三年署。舊志稱其除暴安良。

朱益簪。李苞狄道州拔貢十五年署。狄夢鈞溧陽

榮縣志 秩官第十

三 川三〇〇六一

貢生十八年署。陳汝秋寶山進士十八年署

宮鑑桂。字補亭。昆明拔貢。十八年任。勤於興學。龐靖侯祠題晴雨崖於壁。

李應元。晉寧州舉人。十九年署。張璟。東湖拔貢。二十二年署。曹澍。本仁和舉人。二十四年署。顧玉棟

陳之璵。阜陽進士。道光二年署

楊岳東。寧海進士。三年署。六月。修王庠墓。紀詩云。東坡仙人也。海外文更奇。華嚴與莊客。天放才不羈。中子王庠書。風謫尤可思。今來王庠里。言訪王庠碑。蕭蕭荆棘叢。耕者侵墓基。其後齧溪澗。下又浸塘池。田父或愴然。



薦紳難言之。神哉獲片石。廉遜字可窺。遂令柳下壟。樵  
採懲荒陂。於維周彥公。精靈儼在茲。英名動一世。宋史  
書无遺。胡云晚節喪。以弟興微詞。弟也官微猷。兄老辟  
茅茨。是爲於陵子。矯節將尤誰。義門三代瑩。翁仲立未  
歆。聚處王序塘。魂兮如生時。獨懷蘇長公。老未歸墓廡。  
以視處士墳。兄弟何怡怡。顧如章蔡輩。百世誰憐伊。培  
護望後賢。或起元祐祠。官行未了心。墓銘當此詩。  
趙時。字及庵。萊陽進士。四年任。有惠政。解組。貧不能行。  
士民各饋薪米。

張翬飛。字寅卿。四會進士。九年署代治。及庵歸裝。鏡香

榮 縣 志

秩官第十

三

三十一〇七十一

亭詩云。波心端合置輕橈。花氣撩人欲語嬌。得似竹垞  
吟處否。夜閒涼雨滴芭蕉。注。竹垞有荷花開滿鏡香亭  
之句。亭在秀州。王椽山和寅卿明府云。山縣風流似水  
濱。一官蕭散思無塵。鏡香亭上邀詩客。自與荷花作主  
人。一鏡紅心豔六郎。閒吟佳句酒生香。翻君雨打新荷  
曲。按拍依稀萬柳堂。金鼇玉螭護金鑾。太液花時記昔  
看。萬頃紅蓮翻綠海。酒邊回首憶長安。

馬映辰。通州進士。十年任。呂偉崧。旌德監生。十四年

署

陳長塘。揭陽拔貢。十五年署。舊志云。爲運軍米。買穀還



倉捐銀八百兩。

葛同福武進監生十七年署

胡澐紹興人。道光癸未進士。十八年任。澐善相地。爲固倫公主選葬。上稱爲高雅。尤精拳技。在榮無可紀之績。而留別極拳拳。詩云。戲場何必認爲真。聖主親呼高雅人。幼學會爲鴻鵠志。服官已落馬牛身。兒孫好向心田問。父老休嘲手板新。幾及三年慚撫字。臨行何以對斯民。

徐鳳翔貴陽監生十九年署 白榮宰神木人喀喇沙

爾印房額二十一年代 克星額鑲白旗伊犁筆帖式

榮 縣 志 秩官第十

二十一年署

王培荀字雪嶠。淄川舉人。二十一年任。喜著述。勵士以

學。文風丕振。舊所無也。能作孫過庭書。勝其詩文。署中雜咏云。炎蒸無地避驕陽。白羽頻揮亦太忙。每到虛亭塵世隔。荷花四面水中央。嘗從畫裏見。爾詩。民事艱難自昔知。最好城中似城外。新秧纔綠雨絲絲。夜雨瀟瀟溼綠苔。虛窗倚枕獨徘徊。芭蕉葉共千竿竹。并挾秋聲入座來。開軒北面小橋通。曲折迴廊地數弓。一陣清香醒客醉。紫薇花裏過來風。淨綠池塘水漲初。朱欄曲曲護階除。停雲閣裏渾無事。讀罷南華學釣魚。瓦屋三間



白板扉。雜花縈樹粉牆圍。三更院外空雲水。玉笛一聲  
旅雁飛。但能積土亦成岡。莫笑愚公不自量。十丈金身  
雲外現。遙看飛閣壓城牆。署中土風望見大石佛海棠香國亦無  
花。且向庭前看木瓜。略似玉人簾外立。茜紅衫子颺輕  
紗。凝翠樓落成云。支板爲樓大半閒。芭蕉扇扇竹斑斑。  
虛窗盡啟空明甚。坐愛城頭遠近山。一灣綠玉數峯雲。  
閒讀南華秋水文。人在小樓濃翠裏。山光水色共氤氳。  
落成纔告已深秋。酒陣棊兵夜未休。萬箇蕭蕭聲裏玉  
此君留我宿高樓。秋光到處絕纖埃。危坐臨風幾溯洄。  
牆外烟巒牆內樹。一齊收入綺窗來。鏡香亭外蓼花汀

榮縣志

秩官第十

卷

八

凝翠樓連知稼亭。好待春光二三月。荷錢貼水稻秧青。  
山上松濤聒耳忙。署後鳳鳴蓮宇諸山祠廟間松杉最多樓中鐙影伴蛩  
蟹。方塘更有殘荷在。秋雨秋風夜正長。

李珣濟寧州舉人二十三年署

洪瞻陛字雨菴。台州舉人。二十九年署。縣中社倉。向由

胥吏司筭鑰。侯特頒濟憲章程。歸士民主辦。由是民沾  
實惠。社首亦免賠累。其課士也。捐廉助獎。至於絕苞苴。  
除姦蠹。案無留牘。獄無冤民。蓋難殫述。藹然古循吏也。  
去任年餘。民立去思碑。後聞其卒。祀木主於穀神祠。

鄭尊仁字仰山。閩縣監生。三十年任。國英京口駐防



旗人咸豐二年署

趙友泰。廣東監生。四年署。藉砦堡事興大獄。幸大吏察之。

姚寶銘。字藍坡。福州進士。五年署。堂皇視事。觀聽如堵。課士捐廉加獎。講析如訓子姓。延師不徇上司之薦。有聞款。大吏札提。侯懇留作地方公費。諭買社倉息穀。濟倉餘穀發借生息。以備保甲團練支用之不足。由是公舉而民無派累。去任。人胥歎泣。久而立去思碑。頌之曰。德動四民。官居百日。民懷衆母。士慶名師。

劉齊衢。字綺田。福州進士。五年署。德氣晬然。見士民藹

榮

縣

志

秩官第十

委

川文。六

藹如家人。凡地方事虛心延訪。校閱團練。捐廉而優賞之。在任幾二年。舉事無所變更。亦無奇功可見。而士悅其德。民服其化。但覺其安而已。而公勤慎。則自謂日日在過中也。其去任。民遮道攀泣。公亦哽咽不能聲。後爲刊石立頌。曰。如夏之雨。如春之風。

宋恆山。字紫臨。天津舉人。七年署。侯於善政無不舉。向例命案派費鄉鄰。民多蕩產。侯捐廉屏除一切。爲酌條規。頒四鄉。一洗積弊。歲歉。請於上司。減糶社穀三分之一。活民無算。公項有贏。慮久而生弊。諭買田入租。以資公用。於訟隨訊隨結。凡下鄉一去跟役行廚。卸任時猶



捐廉延師廣學將去與士民歡飲十日戀戀難爲別也後立碑姚洪劉三尹之次號清官亭今將百年矣人猶傳四君子見德不見才見化不見政古循吏傳中人信乎樂只父母也。

傅翼江西舉人七年任 葛福綏侯官舉人八年署

張錫慶江西舉人十年署到任十九日歿

羅廷權字鑑平昆明舉人十年署時李藍之亂往來縣南一帶廷權爲守禦計有勞績。

申誥漢中廩生同治元年任滑。

陳松齡晉江舉人三年署頌南族也。

榮 縣 志 秩官第十

卷 三十一

國璋字子達京口駐防本趙氏投蒙古旗籍年少喜事媚官者遂頌之爲濁習也。

李銘書監生六年署

謝伯春字靄廷信陽州舉人六年任宅心仁厚卹刑剔敝一一皆有實績留別詩云讀書漫道爲官好養子方知作母難。

馬佩玖河南舉人九年署能書以吳郡法作龍門書院榜頗振動惜市人誤毀之。

沈鑫十一年署民號之沈馬棒臨去與民揮拳卧地不起蓋亦官態中罕見者。



吳師賢字齊之。黎平癸卯舉人。十二年任。治縣久。人稱曰吳婆婆。謂其老而慈。無能為己。

涂翔麟。安義舉人。光緒元年署。煦煦為仁。終愈於暴戾者。

苗本植。嘉定府經歷。元年七月代辨者三矣。

徐傳善。字春漪。廣州駐防。元年署。亦有善可紀。凡縣人司局者。類於此歌頌焉。

張邇遊。寧夏進士。二年署。用刑猛。人稱張破皮。然而縣治。

莊定域。字范邨。武進監生。二年署。除惡亦猛。偶畫小幅

榮縣志

秩官第十

五

獎士。亦為政風流也。

王峩峩。字桐華。交河人。供事議敘。四年署。以津捐重收案。奎吏議革職。

葛起鵬。字味荃。溧陽舉人。威遠傅光弼為解首。即葛所得士。九年署。性矜大。然以振厲文字為己任。王培荀後所無也。

唐選皋。字直夫。貴筑人。光緒丙子進士。由工部主事改官榮縣。十年到任。久於榮。熟悉民事。見聞中無其比。政多實益。當時無盛名。及其去。遂無趾美者。故民久而彌思之。



楊謨舉人。乙酉科。唐以試事調闈。謨代理四閱月。蕭延禧丙戌冬由大竹來署。而月去。

孟積伸字引之。富平舉人。其氣暴。嘗有甲乙訟者。笞乙而枉。則笞甲以謝之。行多類是。然不孳孳為利。是其長也。癸巳署。

屠瑞椿字蔭堂。武進人。丙申署。和易近情。

陳夔麟字幼石。貴筑。光緒辛卯舉人。己亥署。唐侯自是離榮。

孟桂廷字鹿萃。庚子署。

濮景賢字丹五。江蘇。漢青士。從子也。有才。故不以賄敗。

榮縣志

秩官第十

堯

堯

川。X。8。1

楊錫澍字克繩。貴州人。不循官中常度。人頗非之。縣有公務。司之者號局士。大氏公正之人。亦有奴性者。一意趨媚官吏。故其所非未必盡非。其所頌幾無官而非父母矣。

唐枝中。字薪傳。樂平人。光緒癸未進士。癸卯署。恂恂無市氣。

王邳字佩秋。懷寧舉人。甲辰署。苗立勳字秋谷。

陳熙輔字佐卿。寶應人。凡俗吏如魚游濁水。庸庸自得。君能與前後任異。丙午署。

趙維新字笠珊。豐城人。

蕭培芬。萍鄉人。己酉署。

李



淇章字竹溪陝西舉人 柳蔭春字采溪湖北舉人  
辛亥國變吏主於軍。流品之雜穢。史難書。行義無可深  
詰。署年而已。然十室之邑。必有忠信。惟官亦然。

蒲詢字壽昌廣安人辛亥 孫樹猷字鐵仁資州拔貢  
壬子 趙白崙字述堯縣人癸丑

蕭應湘字雲浦安縣人。能詰盜。胡景伊主蜀軍。命鈔縣  
人王氏之產。應湘抗而不舉。胡罪之。甲寅。

蔣道援字覺仁廣西人乙卯 黃克修貴州人乙卯秋  
侯昌鎮字桐初澧州拔貢丙辰。修王處士墓。紀詩云。維  
榮宋大州。西北山勢奇。篤生王周彥。墓在城東陂。時維

榮 縣 志

秩官第十

卒

X。三。上三

道光初。掘得處士碑。及今又百年。墓平草離離。余披王  
庠傳。習習清風吹。母今后之姑。父受包公知。作壻於蘇  
門。山谷相友師。八行冠天下。名臣交薦之。賜號曰廉遜。  
終始史可推。前令楊固云。晚節胡忍疵。堂堂鳳皇原。魂  
魄安于斯。荒塘象島嶼。第宅晚在茲。隔山卽雙谿。有洞  
谿之澹。當年讀書處。兄弟何惺惺。余生屈原鄉。澧蘭所  
葳蕤。今來官茲土。百廢思護持。拳拳一寸心。敢將父老  
欺。式此哲人墓。樵采幸勿施。人才爲世出。疾甚難爲醫。  
衆排元祐黨。國是隨巖巖。是碑字燎然。體是宣和遺。文  
集惜失傳。宋志卷目垂。吉光留片羽。坳載雙井詩。獨怪







爲人 劉承仕字學優巴縣人行有天良不盡世故

已上知縣

黃永純雍正八年任 胡霖生南樂人十年任 吳思

源泰州人乾隆元年任 張海錢塘人二年署 劉大

麓濟寧人二年攝 徐德龍榮縣兼攝 葛立經崑山

人十二年署 劉度英漢軍十四年署 楊耀曾陽湖

人十四年署 鄭言江蘇人十五年署 黎常淇廣州

人十六年署 丁泗府經歷十八年署 林良景平遠

人十九年署 王世顯仁和副榜二十年署 倪鵬臨

榆人二十五年署 吳敬大興人二十七年任 史紹

榮 縣志 秩官第十

奎 川之

雍洛川拔貢二十七年署 蔣尙仁貴筑人三十一年

署 高瑛漢軍拔貢三十三年署 林儁三十四年以

縣攝 曾承謨三十四年以縣攝 蔡倬立廣寧人三

十五年署 徐世經漢陽人三十五年署 陳寶田山

陰人三十六年署 徐宗仁三十六年以縣攝 潘士

名德清人三十九年署 徐麟趾永清人四十年署

沈士鑑吳縣人四十年署 吳摺安順人四十一年署

王爾昌桐城人四十三年任 蒲滋馨臨潼人四十

三年代 許凝文安陽拔貢四十五年署 王爾熾桐

城人四十六年署 萬鍾濬昆明人四十九年署鍾鹽



法志作宗 江雯吳縣人五十年署 金惟熙清浦人  
五十年任 魏守曾廣昌人五十年任 彭良簡南昌  
人五十二年署 張熙賡閩縣舉人五十一年署 關  
學闈永安廩貢五十六年署 周朝元大興人五十七  
年署 宋法祖江寧人五十八年署 江鎮西武進人  
五十八年署 李太青武安附生五十八六十年署鹽  
法志作清 俞燕大興人六十年任 童昇陽德清人  
嘉慶元年任 鄒光通州人五年署 王鍾鈞嘉善人  
七年署 陸世潮元和人十一年署  
張敬書陽湖人十二年任舊志稱嘉惠旭川書院得士  
榮 縣 志 秩官第十 奎 川上

民心

錢喬雲長洲人道光元年任 孫家藍清苑人二年署  
王增嘉善人五年署 俞顯德海寧人六年任 武  
芳揚太谷人八年署 蔣立銑天門人九年署 吳逢  
盛涇縣人十二年署 葉錫賓龍游人十二年任 魯  
瑜大興人十六年代 萬光顯宛平人十六年代 趙  
之列蘭谿人十七年署 吳埴吳縣人十八年署 章  
熊光錢塘附貢十九年署 張文照寧武拔貢二十三  
年署 張棻江都人二十四年署 黃大楨南豐人二  
十五年任 曾彥藩江西人咸豐八年署見鹽法志



阮世曦山陰人 丁芳蘭房縣人 杜瑞徵貴筑人

常弼正黃旗滿洲拔貢 陸長生丹徒人 沈廷輝山

陰人 祥麟鑲黃旗漢軍 周光耀宛平人

顧復初字子遠上元人父元熙字耕石故復初又字幼

耕易順鼎詩所謂江左清華侍講家也精於書學志欲

合冶南北詩詞亦修飾顧無深意耳順鼎詩云佳婦三

生范絡娟故人一代何媛交晚清作諸侯上客三百年

蜀吏中題勒方幅之才也

何逢源晉寧人 雒恒豫陝西人 王履亭山陰人

趙懷玉徽縣廩生 胡瀛安徽人 蕭錫疇字子美湖

榮 縣 志 秩官第十 齒 川上。十

南人清末任

已上縣丞

丁士俊仁和人 程紹賢萬年人

劉文德商州人康熙二十四年任贊修學宮

屠之暎遵化人三十四年任 何焞三十五年任 陳

拱浙江人三十七年任

范孟顯四十九年由樞為典史調署監修啟聖宮

郝承德四十九年任 張建業六十一年任 張鴻會

稽人雍正十一年任

馮大榮汾陽人乾隆十六年任舊志稱操守廉潔辦事



細心

唐愨武陵人十九年任 沈天眷山陰人二十三年任

李澤儀繹州人二十五年署 孫嶽山宛平人三十

一年任 余成山陰人三十四年署 林鶴清宛人四

十一年署 王廷珂嵩縣人四十一年署 蒲滋馨臨

潼人四十三年任 李義遵甘泉人四十七年署 周

朝元大興人四十八年任 趙由青南豐副貢五十六

年任 楊廷錫陽湖人六十年署 耿素政寧陵人嘉

慶元年任 吳友敏吳縣人七年署 周效祖山陰人

十年署 趙秉璜南豐人十五年署 吳守紳常熟人

榮縣志

秩官第十

奎

川七

十五年署 王鏞清宛人十八年代 徐慶鼈元和人

十八年代 宋祚垣旌德人二十二年署 齊紹曾蠡

縣人二十四年代 張裕鏐二十四年署 喻中誥南

昌人道光二年署 郭奮衢吉水人十四年代 劉壽

南十五年代 周企琛宛平人十五年署 丁楹清宛

人十六年任 朱自法富平人十八年代 蘇萼石埭

人二十年代 孔毓珍寧海人二十年署 鄭之模大

興人二十年署 洪耀山陰人二十三年代 常棗大

興人二十四年署 蕭鳳儀江西人咸豐八年任 黃

志學十年署 談鈺直隸人十一年任 徐信原萊陽



人同治八年任 張會濶武岡人 樂騰飛二年代  
已下缺

已上典史

魯仲文康熙二年癸卯任與知事陳謨重修啟聖宮有碑。

嚴於琮重慶歲貢 宋其輝舉人 穆健行舉人

馮士岱拔貢康熙四十九年任見啟聖宮碑舊志作馬誤。

陳廷舉人

趙發祥字式九宜賓人年二十遭賊變以武勇聞清初

榮縣志

秩官第十

矣リシ文。一。文

投效肅親王屢立戰功後改文職升歲貢任榮縣訓導見宜賓志。

董政歲貢 陳道顯歲貢 侯維垣歲貢

耿蔚南充副榜雍正七年任十一月檄赴威遠訓導自是榮止教諭矣。

尹為宣宜賓歲貢乾隆七年署 張鎰屏山拔貢七年

任 蒙旭閬中舉人十九年任 徐永溥縣竹廩貢二

十七年署 熊如麟涪州舉人三十六年任 周斌崇

慶拔貢三十七年任 李昌齡華陽舉人三十八年署

徐思祉巴州舉人三十九年任 唐靜什邡舉人四



十年署 喻珩巴州拔貢四十一年署 謝世卿華陽廩生四十一年署 黃珣雙流副榜四十一年任 王焜合江廩貢四十四年署 鄧全敏合州副榜四十五年任 馬儒修縣州廩貢五十一年署 馮廷廣永寧拔貢五十二年任 張來泰資陽廩貢五十八年署 鄧哲雙流副榜五十九年任 劉志銳安縣歲貢嘉慶四年署

郭杰棹巴州乾隆己酉拔貢乙卯舉人五年任十年題榜贈趙鍾麟云振翼南溟書勢團結同宋梅生太守許匯泉明府鏡香亭聯句不錄。

榮 縣 志 秩官第十 卷 川邑之十一

鄭華春汝川廩貢五年署 李聯淇三台廩生十年署

聶汝儀屏山廩貢十三年署 郭幹彰明恩貢十四

年任 潘泰熙內江歲貢十四年署

李醇信字塔山富順副榜十五年任舊志稱樸訥少言

沈酣經史題句云不因祿薄常生事且喜身閒再讀書

去後人多思之。

李鍾昉營山舉人道光十一年任 傅卓儒威遠副貢

十一年代 雒周郁雙流舉人十六年署 李毓南南

充優貢十八年署 劉德煜南充拔貢十八年任 孔繼達字卓泉閬中道光丁酉拔貢己亥舉人二十八



年任。咸豐五年卒於官。

王志灼。字見三。定遠舉人。咸豐三年任。舊志稱行誼文章俱美。啟迪諸生。娓娓不倦。

林再芳。長寧州生。同治元年署

蘇文治。成都州生。元年任。題句云。一園苜蓿當階綠。兩樹槐花夾道黃。

姚宗元。成都增生。七年署

李開元。字善卿。劍州咸豐辛酉拔貢。申夫先生從弟。七年任。光緒十八年升任去。百歲卒。

王禹疇。漢州人。李文燦。彰明人。李郁禮。成都人。

榮縣志

秩官第十

表

川三〇一八

已上教諭

張琦。宜賓人。蘇霖。陝西人。劉凡。成都人。趙雷。陝

西人。陳柱。湖廣人。杜子雄。宜賓人。雍正中任。劉

忠玉。永寧人。乾隆十一年任。陳國柱。武昌人。二十二

年任。李秀。永寧人。二十六年任。任和。成都人。三十

六年任。李正坤。瀘州人。三十八年任。王正林。華陽

人。五十二年任。錢潤。重慶人。五十七年任。張瑤。雅

州人。五十八年任。王端雄。成都人。五十八年任。趙

琦。成都人。嘉慶三年任。岳岱。成都人。八年任。謝登

榮。宜賓人。十年任。李廷兆。灌縣人。十六年任。馬聯



奎二十年任 許貴二十二年任 單繼先恩騎尉二  
十四年任 馬鵬程把總道光四年任 江大成外委  
七年任 岳呈福藍翎雲騎尉十年任 瞿建勳外委  
十二年任 張萬祥外委十四年任 宋世雄藍翎外  
委十五年任 馬聯陞藍翎千總十七年任 譚賢佐  
雲騎尉十八年任 陶錫齡把總十九年任 趙希華  
藍翎外委十九年任 王聯雲把總二十一年任 黃  
大勝藍翎千總二十三年任 羅武泰藍翎武舉二十  
四年任 郭玉麟蔭生二十四年任 馮成川彰明武  
生藍翎把總二十五年任 王藩雲騎尉 何洪瑞  
榮 縣 志 秩官第十 堯 川文  
劉應琨 唐現龍武舉 向承璉 李三元外委 姜  
由亨雲騎尉儘先守備 彭世琪外委 劉炳坤外委  
李文治花翎都司同治四年任 蕭懷青花翎都司  
五年任 郭承恩雲騎尉六年任 馮朝相思騎尉七  
年任 唐金勝花翎守備八年任 李紹濂花翎都司  
九年任 蕭占奎藍翎守備十年任 李祥槐花翎守  
備十一年任 劉玉龍藍翎守備十二年任 鍾恩榮  
花翎都司十三年任 邱長貴藍翎守備光緒元年任  
李家建仁壽人藍翎守備二年任 伍春渲新津人  
花翎都司三年四年任 駱子春安徽人 已下缺



已上防汎

榮縣志

秩官第十

七

十三

